

AÑ SAN JUDAS PO'CARTA SAN JUDAS

*Atto Judaspa' quellcan carta allohuénacop ñeñt
pueyochresha' pen Yompor*

¹ Masheñneshacha' ñamá nochaneshacha', allohuenes ñeñtes o' hua'ñerres Yompor Pares attoch pueyochresha' perres, ñeñtes o' sa'cohuentataretterra Partsocop, ñeñtes e'ñe cohuanípen Yompor e'ñe separrocmateño Jesucristo. Ñeñto'marña napa' nequellquënnas añ carta na Judason ñeñten torretsa Jesucristocop.
² E'ñe nehuomícha'teñofes sa napa' o'ch notas: Yomporepa'chña semuerenaya, ñamá nanquëpa'chña morrentensa, nanquëpa'chña coshatenes seyoöchro.

*Ñeñt ashcañtetsa amach Yomporeye' po'ñoñ ser-
rpare'teno*

(2Pe. 2.1-17)

³ Te'pa' o'ch notas, masheñneshacha' ñamá nochaneshacha' napa' atarr nemneñ o'te' nequellconas attoch neñotatas ñeñt e'ñe erroñetenotcha'ña a'queshpataretay e'ñe allohuény ñeñtey ame'ñenaya Jesucristo. Tarraña te'pa' añ nenten ñeñt atarr palltetsa o'ch notas, nanquëpa'ch sema'yoöchra añ ñeñt atto yame'ñena attochña e'ñech cohuen semoñena, attoch amach semnateñe ama't puesheñarra o'ch a'po'poñetonaset ñeñt atet

yame'ñeña Jesucristo. ⁴ Añecopña notenes tarro'mar chocma orretyenaacheñenesha' ñeñt ashcañtetsa ñeñt ama Yomporeye' po'ñoñ cotape'cheneto. Ñet pue shquëñoñespa' ñato'rraña chate' a'po'poñeterrnayet ñeñt atto po'ñoçh yame'ñerrñaña Yompor po'ñoñ. Ñetpa' atetcha' otyeset, e'ñeca'ye pocte' o'ch sosya'tsañechna yeychen tarro'mar Yomporpa' chocma peretneney, ñapa' atarr amueraña ñeñt'o'mar amach coñchaterrye. Ñetpa' po'ñoçh ama pamo'mtayeye' peñeto Yompor ñeñt ñapuet Yamo'mte' yepen ya. Ñama ñetpa' ama po'partseshareye' peñetoña Jesucristo. Tarraña sapa' señochepa'ch e'ñe ahuañoteñ anuareñta ñeñt atet petsapa' ñeñtña o'patatenetña coñcheñets.

⁵ Ñehua, sapa' po'ñoçh e'ñe señoteñ ñeñt atet pa ahuat, tarraña te'pa' o'ch alla neyerpaterra sa atto Yomporpa' cha coñchatuerran ñeñt alla queçhpuerre' ñeñt e'ñe atet otaney Yompor. Ñeñtpa' atet pa allempo a'queshpaterran israelnesha' allempo erraneta' Egipto all atarr amueroçhtatarettete't. Tarraña ama't a'queshpaterranetañ allempo, elloña tsapañonetpa' o' alla a'cllatuerran allohuen ñeñt ama cohuenaye' ame'ñaye'te. E'ñech attecma perran allohuen ama't te' ñeñt ama ame'ñetso. ⁶ Te'pa' o'ch alla neyerpaterrserr po'poñ ñeñt atet pa ñama patanta'tets mellañoteñnesha'. Ñetpa' anareñetañ ñetcha' sherbenet Yompor, tarraña ama't atet anareñetañpa' ñetña ellopa' o' a'ypo'ña'nmuet pue'ntañ e'ñe pañpare'teñotet

Yompor. Ñeñto'marña Yomporpa' alla huancanet cadeno ñeñt ama apyapahuoyaye ama't erponaña alla huapore'tanet nanac checmeto. Ñetñapa' alletach tarrempohua esempoch mellapoterra allempochña mueñerranet ñaña coñcha'puetso. ⁷ Te'pa' o'ch alla neyerpaterrser ñaña ñeñt atet pe't sodomo'marnesha' ñaña gomorro'marnesha' ñaña allohuen ñeñt allampaño'marnesha' all. Ñetpa' e'ñe atet pete't atet pa patantarr mellañoteñnesha' atto nanac yeçhcatenet ñeñt nanac sosey enten Yompor. Cañoresha'tyenet nanac ama't yacmapa' agappannena e'ñe parro yacmacma, ñeñtpa' amaca'ye atteye' anareteye. Ñeñto'marña Yompor alpa' attoña coñchatanet o' etomamñpsanet attoch e'ñe a'poyatatuerranet tso' ñeñt ama emaya'pahuoyaye. Ñeñto'marña yeñoteñ allohuney eñall coñcheñets ñeñt ama ahuañiaño.

⁸ E'ñe attecma p̄atse'tyena ñaña ashcañnesha' ñeñt orretysa te'. Ñama ñetpa' po'poñon̄a es cotape'chyenet ñeñt ama po'ñoch atteyaye. Attoña ñetpa' a'sosyatenet po'chets e'ñe ñañeñeta. Ñeñto'marña ama't Yepartsesharpa' ama amicha'na'tpahuoye' enteñeto, attoña ama't ñaña allohuen ñeñt ahuamencañetyetsapa'cho'ña e'ñe achm̄are'tueñet. ⁹ Tarraña ama achm̄are'tpahuoyaye ama't Yepartseshar ama't ñaña allohuen ñeñt ahuamencañetyetsa. Ñehua, ama't Miguel ñeñt pa'm̄cha'tareter pen mellañoteñnanesha' ñapa' ama achm̄are'tapanoña oneñet. Allempo rroma Moisés oneñetñapa'

huapa, ñapa' añ atarr mueneñ o'ch enana' arromñañ, tarraña Miguelñapa' ama muenache o'ch aner. Ama't muene' es otnare'tanna'tetañpa' Miguelñapa' amaca'ye achmara'tanoña oneñet. Ñeñtpa' atta och: "Ñehua, ñeñt atet pepena te' Yomporpa' ñach pötteñ'che'." ¹⁰ Tarraña ñeñtña ashcañnesha' ñeñt orretyetsa te'pa' ñetñapa' chocma achmara'teñet ama't ñeñt atarr ahuamencatesha' tarro'mar ñetpa' ama eñoteññañeto po'huamenc. Añach e'ñe paterr eñotenet ñeñt e'ñe patso'marecpa. Ñetpa' e'ñe atet penet ñerra'mrrate' berr ñeñt añach p'a'yen ñeñt atet muenatyenanet po'chets, ama es cotape'chpenayeña o'ch eñotet erra'tsente'ña ñeñt po'ñoç cohuentetsa. Ñeñto'marña ñetpa' a'chencataterretch'a' e'ñe ñañeñeta.

¹¹ Atarr yoroçheno'tsa'yenet tarro'mar ñetpa' ama morrenteñeto pamo'ts, e'ñe atet penet ñerra'mrrate' atet pe't Caín allempo muetsan pa'mo'nasheñ Abel. Attoch aparettet quelle, ñetpa' añach cotape'chenet o'ch shecare'teñet acheñenesha' atet pe't Balaam. Ñeñto'marña ñetpa' chenquérretch'a' tarro'mar e'ñe atet penet ñeñt atet pe't Coré ñeñt amtsarettatsa ahuat e'ñe ña patpare'teñot. ¹² Ñeñtña ashcañnesha'pa' sapa' ñeñtña sepencna'ntatene' allempo sapçhena o'ch serratallme'channena ñeñtes ame'ñenaya Yompor. Sapa' serratallme'channena e'ñe semorrentanna'teñot, tarraña ñetpa' attach nanac rratse'tyenet amach ayetñañteneto amach cohua'peñetoña ñama po'psheñeñ ñeñt cheporretsa ñeñt muenets o'ch rra' ñama.

Ñetpa' e'ñe atet penetañ ñerra'mrrate' ñeñt cohuanñpenayeñ carrnero ñeñtcha' rratenayeñ tarraña amachña carrneroye'ña rrateno, ñeñtapa' ñañeñetach atarr rretset. Ñetpa' ama es sherbeneto e'ñe atta penet atet ñerra'mrrate' os ñeñt ama huatetso attach matateñ morr. Ñama e'ñe attet ñerra'mrrate' narmetsoch ñeñt ama ame'tño, ama'tcha' čhen pueme'teñporopa' amach me'teno. Ñama ñeñtña narmetsocherpa' e'ñech atet pena ñerra'mrrate' rromuech o'ch ya'mare ora puerchohuenpa' o'ch e'ñe puetsohua o'ch huañ. Ñeñtña ama't mameshapa' amach es sherrye.

13 Amach pueñmañeshoñeye' es orrtatyeneto e'ñech pommo'cheñoñeta es orrtatyenet. E'ñe atet penet ñerra'mrrate' oñ apellche' puemo'yer. Ama't mameshapa' amach muechecheno. Ñeñtña emo'ypa' čach huapore'tenan sosyare' toþña'so all pa'so'ten. Ñeñtpa' e'ñe atet penaña ashcañnesha' amach pasayaya orrtatenetoña apencočhen. Ñetpa' e'ñe attet ñerra'mrrate' shepramño' ñeñt yenten o'ch shora'nom o'ch ahuo' patso ñeñtpa' ama es sherbeno. Yomporpa' o'patenanet o'ch mueñanet coñcha'puetso all atarr nanac checmete', allotña ñetpa' amach čha'nerreto ama't errponaña.

14 Ñama te'pa' o'ch notas, ahuałpa' eñall puesheñarr yacma añ pa'so'cheñ Enoc ñeñt Adán po'mreneñ po'cančhrroñohua. Ñañapa' ñeñt a'mtaye't Yompor po'ñoñ. Ñapa' eñotatanacheñenesha' atetcha' aþaretterra ama't ñeñt ashcañnesha'. Ñocpueta'naña atet ote': "Huerrach

Partsesha' e'ñe pueyochreshačhnohuen ñeñt nanac po'nnacaren patsopueñ. ¹⁵ Huerrach allochñapa' o'ch entuerran allohuenacheñenesha' ñato' cohuenette' ñato' amate' cohuenayayeto. Allohuen ñeñtcha' ama cohuenaye' entuerro Yompor, ñetñapa' amñarečterretcha' coñcheñtso. Attochña tsa'tatuerrana allohuen ochñañenesha' ora allpon pátse'tyesete'ñ ñeñt ama pocveye' enteno Yompor Parets ama't mamesha. Ñama atetcha' tsa'tatuerranet ora allpon atto sasare'chete'ñ Yompor e'ñe pachmñare'teñofet." Arrpa' allohua huañ ñeñt atet eñose'ñ Enoc ahuañ. ¹⁶ Ñama ñeñt ashcañnesha'pa' atarrcha' tanmare'tyeñet, čach po'poñ entuenet. Añach cotape'chyenet ñeñt muena'yenet e'ñe ñocpueta. Cho'nate' ñetpa' atarrcha' ommoñañet. Ñama ñerra'm esempo e'ñe cohuen eñosyenetacheñeneshacop, ñetpa' añecpach e'ñe cohuen eñosyenet attoch es apuenanetacheñenesha'.

Atto pa'namen cotape'chatenan allohuen ñeñt ame'ñetsa

¹⁷ Tarraña sa masheñneshacha' ñama nočhaneshacha' amachña ñeñta same'ñatsto. Sapa' añcha'ña seyerpa ñeñt atet otyese'ñ Yepartseshar Jesucristo puellsensarnesha'. Ñetpa' ahuałoteñ atet otete'ñ ñeñtcha' orretyerrtsa tsapañonet. ¹⁸ Ñeñtpa' atet otyete'ñ: "Allempoch mellapotermochapa' orrterrach ñeñtcha' achmñare'terre' Parets. Añach yečhenet ñeñt muenatse'tyenet ñañeñeta, ñeñtpa' ama't mameshapa' ama cohuenaye' enteñe Parets." ¹⁹ Ñeñt ashcañnesha'pa' čhocmach mueneñet

o'ch ellopa'tetstateret ñeññt ame'ñenaya Yompor. Ñeññtara ashcañnesha'pa' añach coñape'chenet ñeññt atet muenatenanet ñet po'chets; ñetpa' ama chorrenaneto Parets Puecamquëñ.

20 Tarraña sa masheññeshacha' ñamá noñchaneshacha' e'ñne nemuereñotespa' o'ch notas, amach seyçhatstaneto ñeññt atet penet ñet. Sapa' e'ñechña same'ñeñof Yompor huomenquëpa'ch sepa' seyoçher tarro'mar ñeññt same'ñena sapa' e'ñeca'ye Partseshotecma huena. Chocmach sema'yochena. Sapa' amach soñaye' se'ñorenó allempo sema'yochena. Añcha'ña se'ñoratene' Parets Puecamquëñ ñeññt atarr ahuamencañtesha'.
21 Atetcha' sepaña sa allochñapa' chocmach señoteñ atto atarr morrentenya Yompor, amach sepurratsterro. Socsheññesha'pa' chocmach seyemteña Yepartseshar Jesucristo; ña e'ñne puemuereñotey esempohuañen a'queshpaterreycha', attochña yañapa' corretsayach yocsheññeshocmañen errponañoñohuen.

22 Ñehua, o'ch notas ñamá atetcha' sepe' po'potantañeçhno. Patanta'tets acheñpa' atarr echarr enteñet o'ch ame'ñerrñañet Yompor po'ñooñ. Ñetpa' choch soñape'chaterranet e'ñne cohuen attoch ame'ñerret ñeññt e'ñne po'ñoch Yompor po'ñooñ, **23** atarr yoroçheno'tsenet po'chñaroñet. Ñeññto'marña sapa' o'ch sa'queshpatañerret, ñeññtpa' e'ñech atet sepenanet ñerra'mrrate' cheshatoll ya'queshpaten o'ch yechter all poyapen pocoll. Po'potantañeçhno ñeññt yeçhene' atarr sosya'tsañeçhno, ñetpa' chochña semuerenanet

tarraña ama'tcha' semuerenanetañpa' amach socshapretatstanetoña ñeñt atet yečhenet sosya'tsañ. Sapa' čochňa setsena'tapretanet ñeñt atet pa'yenet sosey, te't sa'naña a'shorataatenet.

*E'ñe yame'ñeñoř Yepartseshar Jesucristo
aye'chočhtaterrapo'ch Yompor*

24-25 Te'ña Yompor ñeñt e'ñe ñapueř partotsets, ñeñt allohuen es eñotyets, ñama ñeñt Ya'queshpatañer yepen, ñaňapa' atarr ahuamencatešha', ñachňa ahuamencat sepene' allochňapa' amach alla seshora'nero. Attochňa sapa' čchapauerrescha' e'ñe ñesho all atarr cohuentena ña. E'ñeč socsheñeshocmañen sečhačherr, amach eñalle ama't coñečta ñeñtcha' entapreterres ñeñt ama pocteye' enteno ña. Te'pa' e'ñe yame'ñeñoř Yepartseshar Jesucristo aye'chočhtaterrapo'ch Yompor attoch e'ñe cohuen yecohuentaterrñañ. Chocmuepa'ch e'ñe ñapueř Yepartseshar yepeň, chocmuepa'ch amčha'tarettena e'ñe tayočeň errponaňohuen ñeñt atet pa'ahuatoteň. Te'pa' ñeñtach notas, ñeñtpa' attetepa'ch Nompore. Allohua.

Judas

**Yompor Po'ñoñ ñeñf attō Yepartseshar
Jesucristo e'ñe etserra a'poctaterrnay
Yomporesho**

New Testament in Yanesha' (PE:ame:Yanesha')

copyright © 2008 Wycliffe Bible Translators, Inc.

Language: Yanesha'

Translation by: Wycliffe Bible Translators, Inc.

Yanesha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanesha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

x

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

fa985bb4-fad0-5968-9ee4-626b89cba24f